

OKÉ TAKE AWAY

**NOS SPECIAL
DEC. 11**

746-3571



**SAN NICOLAS
A CELEBRA
CHRISTMAS
FAIR DEN
GRANDI**



WWW.SOLODIPUEBLO.COM



SOLODIPUEBLO@GMAIL.COM

DESAPUNTO PA CONCIERTO DI ROMEO SANTOS; EQUIPO A YEGA HOPI LAAT



PROMOTOR KRISH MAHTANI A PIDI DISCULPA PA CONCIERTO DI ROMEO SANTOS



PASTOR DI WESTPUNT AGREDI DESPUES DI A RECLAMA



MINISTER ENDY CROES TA ACUDI NA E APERTURA DI "CLINICS" ORGANISA PA ARUBA LITTLE LEAGUE



CONVERSACION VIA WHATSAPP A REVELA PAGONAN DI REPORTERONAN PA POLIS VOS

Den e caso di Polis Vos diabierna ultimo den corte, a sali conversacionnan via WhatsApp cu ta involvi varios figura di prensa, entre nan di Nelson "Speed" Andrade cu polis Vos. Segun e caso den corte, e revelacionnan aki ta inclui peticion di placa y peticion di sponser pa un team pa yiu di polis Vos.

E informacion ta indica cu polis Vos a confesa di a ricibi placa y busca sosten financiero for di algun reportero. Hues a bisa cu loke Vos a

haci cu e placa no ta importante, paso hecho ta cu el'a ricibi placa.

Ademas, ta sali na cla cu e combersacionnan ta inclui whatsapp di Brian Koolman tocante e instalacion di radio, cu mencionnan di suministro di informacion na Speed Andrade y otronan. Diparti Koolman a ser bisa cu e ta trahador di Speed, kisas minimalisando asina su responsabilidad, apesar cu e tambe ta sospechoso den e caso y ta suppose di sa cu

loke a sosode ta incorrecto.

Nota: esaki ta di dos caso unda Andrade ta involvi. Den pasado caba un polis a perde trabao y Andrade parce no a siña nada, y a sigui hasi mescos.

Polis Vos a ricibi su condena mesora dor di Hues unda ela ricibi castigo y 3 aña di no por traha mas den funcion publico.

MINISTER MADURO TA RECONOCE PAPA MAIKY COMO E INTEGRANTE DI GRUPO DI BETICO CU TA CUMPLI 55 AÑA TA APORTA NA ARUBA SU CULTURA DI FIN DI AÑA



Durante e celebracion di Grupo di Betico en conexion cu nan 55 aniversario, Minister Maduro di Cultura compaña pa Minister President den nomber di Gobierno di Aruba a brinda un reconocimiento na sr. Marco Leoncito Croes, miho conoci como Papa Maiky. Sr. Croes ta e unico integrante di 'Betico y su Grupo' cu awe nos conoce como Grupo di Betico, cu tin 55 aña ta aporta na nos cultura di fin di aña.

Prome cu e grupo a haya un nomber, e grupo tabata toca den seno familiar y despues cu e grupo a dicidi pa sali afo y participa den Festival di Dande, Betico cu tabata lidera e grupo a duna e grupo e nomber di 'Betico y su Grupo'. Papa Maiky tabata e cantante di Dande di e grupo y unda cu e grupo yega pa presenta Papa Maiky tabata e cantante principal cantando e Dande cu un briyo y smaak masha unico y semper cu su sonrisa y cariño cu ta identifica

Papa Maiky. Su forma di canta e Dande, su baile y movecion di mannan tocando su maracanan ta haci Papa Maiky unico den su estilo ora di presenta. Algo peculiar y unico ta cu Papa Maiky nunca a skirbi letra pa Dande, semper ela canta for di cabes, cantando loke ta sali for di su curazon. Papa Maiky a sali Rey di Dande, tanto den 'Betico y su Grupo' y despues cu Betico a fayece y mas hobennan a forma parti di e grupo, esaki a haya e nomber di 'Grupo di Betico', y aki tambe Papa Maiky a sali Rey di Dande.

Papa Maiky ta yiu Mo Joonchi Croes cu tabata toca y canta Dande cu Mo Tito. Aki por mira un ehempel con tradicion ta wordo traspasa di generacion pa generacion. Di Mo Joonchi pa Papa Maiky y di Papa Maiky



pa Maikito, di Maikito pa Michael y di Michael pa Nathan. Aki por mira 4 generacion formando parti di Grupo di Betico y asina traspasa nos tradicion pa e keda biba den nos comunidad.

Papa Maiky ta un ehempel y muestra di amor pa nos cultura y tradicion inculcando loke su grandinan a siña pasando esaki pa su yiu, nieto y bisanieto. Como tambe e ta un role model, un motivador, un inspirador y un consehero pa cada

miembro di Grupo di Betico.

Aruba por ta orguyoso di e aporte di Grupo di Betico y di Papa Maiky cu pa 55 aña caba ta aporta na nos cultura di fin di aña. Pa muestra aprecio na e trayectoria bunita aki, a scohe e momento special durante e celebracion di Grupo di Betico pa reconoce y gradici Papa Maiky pa e 55 aña di dedicacion na nos cultura. Masha danki Papa Maiky.

PASTOR DI WESTPUNT AGREDI DESPUES DI A RECLAMA LADRON

Den un situacion dramático na Westpunt, Curacao, un pastor local, identifica como Pastor Baak, a sufri un agresion violento enfrentando un ladron den un Snack Chines. E persona en cuestion a horta material di dak di e iglesia algun dia prome.

Ora e pastor a reconose e ladron, el'a disidi di confront'e na e establecimiento, sin embargo, e situacion a tuma un buelta violento ora e ladron, sin ningun arrepentimiento, a reacciona cu

furia.


E atake a resulta den un golpi fuerte den cara y boca di e pastor, cu a causa corta y hinchason di su di lip y kiebro di djente.

E brutalidad di e incidente a laga e pastor cu su cara hincha y visiblemente afecta.

Pastor Baak a comparti e detayenan di e agresion via su rednan social, expresando su frustracion sarcasticamente bisando cu "atardi Westpunt ta bunita"

Den un post riba su pagina, e pastor a skirbi: "de mogelijke dief die vorige week enkele aluminium dakplaten wilde stelen, reageerde wel heel agressief toen ik hem ermee confronteerde bij di chinese snek op Westpunt. E forse vuistslag met als resultaat een opgezwollen gezicht, tanden e etc. "Atardi Westpunt ta bunita." Ik ben helemaal klaar mee."

E lamentabel evento aki ta trece na claridad e nesidad siguridad y respet den comunidad, poniendo



enfasis riba e vulnerabilidad di esnan cu ta buska pa defende nan propiedad.

DESAPUNTO PA CONCIERTO DI ROMEO SANTOS; EQUIPO A YEGA HOPI LAAT

Riba diasabra 9 di december, e concierto di Romeo Santos na Harbour Arena na Oranjestad, Aruba no a cumpli cu e expectativanan di e fanaticonan. Mientras e anochi tabata avansa, e publico a nota problema y tardansa, generando un malcontento general.

Aparentemente, parti di e equipo di sonido y personal clave a keda pega na Peru pa motibo di retraso den e vuelo. Mientras tanto, e artista local Jeon a briya den su presentacion, ganando reconocimiento di publico pa su super actuacion.

Pa 1:30 di mainta, e equipo di Santos a yega finalmente for di

Peru, y ainda tabata falta pa sali di airport pa bay na sitio di evento. No tabata te 4:15 di mainta cu e artista por a cuminsa su presentacion.

Bao frustracion algun persona a bandona e sitio decepciona. Otro, cu a compra token pa e bar, a haña nan sorpresa cu e bar a sera prome cu nan por a hasi uso di nan.

E evento miyonario unda e artista so a cobra 1.3 miyon dollar a resulta un decepcion general. Riba rednan social, Aruba a expresa su malcontento, mientras cu algun locutor a inicia un defensa contra e criticonan, defendiendo e artista.

E situacion desafortuna aki ta laga un sabor amargo entre fanaticonan



di Romeo Santos na Aruba, kende tabata spera di disfruta di un show inolvidabel pero a wordo afecta pa problemanan logistico cu a promotornan a experiencia.

PROMOTOR KRISH MAHTANI A PIDI DISCULPA PA CONCIERTO DI ROMEO SANTOS

Den un nota via red social, Krish Mahtani a pidi disculpa pa lo sucedido:

Como promotor di e concierto di ayera nochi na Aruba (Romeo Santos), y den nomber di henter mi team, mi kier extende mi sincero disculpa na tur esnan cu a asisti na e concierto di ayera. Ta pidi disculpa pa e molestianan y e desepcion cu e retraso por a causa.

Desafortunadamente, a pasa circunstancianan imprevisto cu tabata completamente fuera di nos control, cu a causa e retraso di e artista. Como promotor di e evento, mi ta asumi tur responsabilidad pa no comunica e situacion na tempran.

Mi ke expresa mi gratitud na esnan ku a yuda resolve e situacion, incluyendo KPA, JET-TNCA y e ekipo di elite Productions/

Empire, huntu cu tur e partnernan, sponsornan y personal di e evento.

Nos ta tuma e incidente aki na serio y nos ta comprometi pa preveni e casonan aki den futuro.

E multitud y e publico cu a apoya nos durante e situacion inespera aki, mi no por gradici nan suficiente pa nan pasenshi, comprension y apoyo continuo. Un



agradecimento special na tur esnan cu a purba di yuda cu e situacion.

Den bida bo ta siña dor di cada experencia y bo ta trata di mehora despues di cada situacion, no importa

con difisil e ta. Danki na tur esnan cu a comparti nan comentario iy palabranan positivo, mi ta spera di tin e oportunidad pa sirbi nan mihor den eventonan futuro. Share



ACCIDENTE CU IMPACTO BASTA FUERTE BANDA DI EX-CAS DI GOBERNADOR



Diabierna mainta a drenta informe di un accidente cu hende herida na crusada banda di e ex-cas di gobernador, mesora a

dirigi tanto polis como ambulans na e sitio. Na yegada di e patruxa a bin compronde cu aki ta trata di un accidente unda cu

e dama chauffeur di un Toyota Yaris biniendo for di pabao riba L.G. Smith blvd. pa un of otro motibo diripiente lo a bira na man robes sin a duna e Nissan Sentra preferencia y nan a dal otro. E dama chauffeur di e Yaris tabata den shock y e chauffeur di e otro auto tambe ta herida. E impacto tabata basta fuerte cu hopi daño. Na yegada di e ambulans a atende primeramente e dama den shock y na yegada di e otro ambulans nan a atende e victima na e sitio mes.




HABITANTE A YAMA PA UN FAMILIAR CU A YEGA CERCA DJE HERIDA DESPUES DI A DAL UN MATA DI KWIHI



Diasabra mainta a drenta informe di un accidente cu hende herida na Maria Maai, mesora a dirigi tanto polis como ambulans na e sitio. Na yegada di e patruxa a bin compronde

cu e chauffeur a bay dal un mata di kwihi y debi na e fuerte impacto e tabata na sanger. Na yegada di e ambulans nan a atende y transporte pa hospital.



Prome Minister Evelyn Wever-Croes:

Gobierno di Aruba a actua na un manera responsabel y a cumpli cu Constitucion E CAMBIO CU A WORDO HACI DEN E PRESUPUESTO SUPLETORIO 2 NO MESTER A BAY RAAD VAN ADVIES



A tuma nota di reaccion di Parlamentario Gerlien Croes tocante e cambio haci den e Presupuesto Supletorio 2 bisando cu esaki mester a bay Raad van Advies prome cu el a wordo manda Parlamento. Segun Parlamentario Croes, den e version cu a bay Staten a hinca aden un cambio di e LV Begroting 2023 di DOW pa his'e cu e 1.2 miyon florin pa por drecha e incinerator y asfalta 2 speelplaats. Mientras cu e version di e Presupuesto Supletorio 2 cu a bay Raad van Advies no tabatin e cambio ey. Den e caso aki, tanto Parlamentario Gerlien Croes como Parlamentario Rycond Santos do Nascimento ta referi na Constitucion.

Prome Minister Evelyn Wever-Croes a duna di conoce cu Gobierno di Aruba a actua na un manera responsabel y a manda e Presupuesto Supletorio 2 pa Raad van Advies. Premier

Wever-Croes a indica cu e cambio aki cu a wordo haci den e Presupuesto Supletorio 2, no mester a bay Raad van Advies. Esaki, segun e prome mandatario di nos pais, ta conforme ley. "Gobierno por adapta e presupuesto di DOW cu a pasa Januari 2023 cu un ley di Presupuesto Supletorio sin cu esaki bay bek Raad van Advies. Den e tipo di discusionnan asina ta hopi importante pa contesta e siguiente pregunta: ta trata di un 'ingrijpende wijziging' of no".

Si ta un cambio substancial, cu consecucionan financiero of huridico of estatal hopi grave, e ta wordo considera como "ingrijpende wijziging" y e ora e cambio mester bay bek Raad van Advies segun Artículo 22 di Landsverordening Raad van Advies 2022 (y no Constitucion). Pero den e caso specifico aki, segun Prome Minister, no ta trata di un "ingrijpende wijziging". E suma en cuestion compara cu e suma total di e Presupuesto Supletorio 2 y presupuesto 2023 mes ta indica esey caba. "Cu nos a haci un cambio den un ley (e Begroting DOW2023), riba su mes no ta cambia e conclusion. E cambio no ta "ingrijpend" manera nan ta insinua. Ta trabounan cu DOW ta haci caba y ta mas bien un cambio administrativo. Ta 1.2

miyon pa haci e trabounan di DOW y ta presupuesto di Land Aruba ta aloca e fondonan ey pa DOW", Prome Minister a indica.

Prome Minister a remarca

cu no por sigui e linea di Parlamentarionan Gerlien y Rycond y manda tur cambio Raad van Advies. Esaki lo stroba e proceso di legislacion i n n e c e s a r i a m e n t e .

Mientras aki ta trata di presupuestonan cu ta basa riba "budgetrecht" di Staten, e derecho mas bieu y importante di un Parlamento. No di un Raad van Advies.



Ricibi factura 2024 via e-mail

**Bo tambe por ricibi bo factura digital.
Registra ta facil! Scan e QR code y yena bo datonan.**

**Entrante 2024 Serlimar lo cobra Afl 3,50 pa ricibi factura na cas.
Esaki ta cubri gastonan di imprenta y post.**

**Paga prome cu factura vence den 2024 pa evita e late fee di Afl 10,-
(Esaki no ta aplicabel pa tarifa di pensionado)**

Scan e QR Code y manda nos bo datonan
- Number y Fam
- Adres
- Number di telefon
- E-Mail

Serlimar

ISUZU PICKUP A DAL CONTRA ALGUN BARANCA NA TANKI LEENDERT



Tanki Leendert - Diasabra pasa di mey anochi polis a bay poco pazuid di rotonde di Tanki Leendert, unda cu un pickup a accidenta.

Na prome instante testigonan a papia di un accidente serio, debi na e zonido fuerte.

Na yegada di polis nan ta topa cu un pickup Isuzu benta pabou di caminda, e parti dilanti cerca di un cura di cas net cu e no a dal e.

Segun e chauffeur e lo a sali di e caminda cerca di e truck di cumind y debi na e caminda muhe e lo a perde control completo ariba e auto.

E la dal contra algun baranca y te hasta a move esakinan, causando daño grandi na e vehiculo parti dilanti. Takelwagen mester a wordo avisa pa yega y asina move e auto for di caminda y hib'e su destinacion.

Niun hende a resulta herida den e accidente aki.

TREKKER A DAL TRAS DI UN KIA RIO Y ESAKI A BAY DAL TRAS DI UN PICK-UP NA CAMACURI

Diabierna mainta a drenta informe di un accidente na Camacuri, mesora a dirigi patruyanan na e sitio.

Na yegada di e prome patruya a bin compronde cu aki ta trata di un accidente unda cu un trekker a brake pero como e caminda ta muha toch ela bay dal tras di un Kia Rio cual impacto a manda e Kia Rio bay dal tras y drenta un parti bao di e baki di e pick-up su dilanti.

Aunke e daño na e Rio y e pick-up ta hopi toch afortunadamente ningun hende a resulta herida.



CHAUFFEUR DI PICKUP NO A REGULA SU VELOCIDAD NI MANTENE DISTANCIA A BAY DAL TRAS DI TOYOTA VITZ

Diasabra atardi a drenta informe di un accidente dilanti Tri-Bike na Santa Cruz, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda cu e chauffeur di pickup bayendo zuid no a regula su velocidad ni mantene distancia a bay dal tras di Toyota Vitz. Afortunadamente ningun hende a resulta herida.



MINISTER ENDY CROES TA ACUDI NA E APERTURA DI "CLINICS" ORGANISA PA ARUBA LITTLE LEAGUE



Diahuebs anochi, Minister di Enseñansa y Deporte Endy Croes a acudi na e apertura di "clinics" organisa pa Aruba Little League. E apertura a tuma luga na e edificio di SIMAR, unda cu Minister Endy Croes a hiba palabra y a papia tocante e importancia di siña e mucha- y hobennan deportista pa aplica e balornan olimpico, cual ta excelencia, respet y amistad. E "clinics" of training aki ta pa educa e

entrenadonan di baseball con pa entrena y prepara e hobennan den e deporte di baseball.


Cu e curso aki e entrenadonan ta adkeri balor-, conocimiento- y habilidadnan cu ta necesario pa lidera un ekipo. Aruba Little League ta duna e cursonan aki na tur coach cu actualmente ta trahando cu deportista di edad di 4 pa 16 aña. Un tremendo curso di Aruba Little League, unda cu nan

ta contribui den e desaroyo di e entrenadonan di baseball, pero alabes den e desaroyo di e hobennan

deportista.

Minister Endy Croes ta felicita Aruba Little League cu e tremendo cursonan

cu nan ta ofrece na e entrenadonan di baseball pa hunto hiba deporte di Aruba na un otro nivel.






Ernesto Bermudez
-DENTAL SOLUTIONS-

STATE OF THE ART *Implant* TECHNOLOGY

FREE CONSULTATION

+297 585 3255
+297 592 9398

 WE ARE LOCATED AT
PIEDRA PLAT 98

DENTAL SOLUTIONS ARUBA

DENTAL SOLUTIONS ARUBA

DENTAL SOLUTIONS ARUBA



Minister Geoffrey Wever

SAN NICOLAS A CELEBRA CHRISTMAS FAIR DEN GRANDI




yeranochi den un ambiente hopi festivo, Minister di Asuntonan Economico, Sr. Geoffrey Wever, hunto cu Sr. Guillermo Raymond di Post Aruba y Sr. Tito Bolivar di Artisa a cende e luznan den caya principal di San Nicolas, y asina tambe a inicia Christmas Fair den Promenada na San Nicolas.

Den e mesun tiro a inaugura oficialmente Space 21, un espacio cu ta expone diferente tipo di arte y aña di na e movimiento artistico di e area. Den colaboracion cu Post Aruba, bishitantenan por a admira mas di 100 obra di stamperia cu a wordo desplega na Space 21 durante e evento di e Christmas Fair.

E evento aki, cu su combinacion di arte, cultura, y celebracion comunitario, a demostra e rikesa y diversidad di San Nicolas. E luznan nobo, instala cu tanto dedicacion y cuidao, a duna e fair un toque magico, iluminando no solamente e cayanan, pero tambe e curasonnan di tur esnan presente.

Den e ambiente festivo ey, bishitantenan a por disfruta di un variedad di presentacion artistico, incluyendo baile y actonan aerial impresionante. E artesonan local a demostra nan talento y creatividad, ofreciendo productonan unico na



benta specialmente pa e temporada di pasco y fin di aña.

"Esfuerzonan di DOW y tur e partidonan involucra den e proyecto aki ta merece un aplauso grandi.

Nan dedicacion y trabou duro a yuda pa ilumina no solamente e cayanan di San Nicolas, pero tambe e caranan di tur esnan cu ta bishita e Christmas Fair aki," Minister Geoffrey Wever a termina bisando.

ENTRADA JUDICIAL DI TEAM DI ARRESTO NA SERO PATRISHI



Tur e dlanan aki e team di arresto cu investigadornan ta hopi ocupa cu entradanan judicial, awe atrobe a toca na Sero Patrishi.

Mucho informacion no por divulga ainda pero manera esaki ta disponible nos lo pone esaki!



MINISTER ENDY CROES Y MINISTER PLENIPOTENCIARIO ADY THIJSEN A TRATA DIFERENTE PUNTO IMPORTANTE RELACIONA CU E STUDIANTENAN CU TA BAY HULANDA PA CONTINUA NAN ESTUDIO



: Minister di Enseñansa y Deporte Endy Croes a reuni cu Minister Plenipotenciario Sr. Juan (Ady) Thijsen cu ta di

bishita na Aruba hunto cu consehero legal Sra. Shandra John. Durante e reunion a dialoga riba diferente punto

importante relaciona cu e studiantenan cu ta bay Hulanda, entre otro, problematica di vivienda

na Hulanda (huisvesting), BSN nummer cual ta trahando riba dje y ta kedando cla otro aña y seguro di e studiantenan. Tambe, a evalua di ki forma mas por duna sosten na e studiantenan di Aruba pa ta exitoso durante nan estudio na Hulanda.

Ademas di esaki, Minister Plenipotenciario Sr. Ady Thijsen a presenta durante e reunion un plan pa trece e studiantenan di Aruba na Hulanda hunto.

Eplan ta encera pa organisa diferente evento, unda cu

por trece e studiantenan di Aruba hunto pa scucha nan, pero tambe pa motiva nan pa regresa Aruba ora cu nan termina nan estudio na Hulanda pa contribui den e desaroyo di nos pais. Minister Endy Croes ta indica cu Minister Plenipotenciario Sr. Ady Thijsen tin un bunita plan y desde Aruba lo sigui traha hunto pa percura cu nos studiantenan na Hulanda haya e sosten y guia necesario. Un bon reunion, unda a trata diferente punto importante pa enseñansa den su totalidad.

Accidente cu hende herida banda di e ex-cas di Gobernador



Diasabra mainta a drenta informe di un accidente cu hende herida banda di e ex-cas di Gobernador, mesora a dirigi tanto polis como ambulans na e sitio. Na yegada di e patruya a bin compronde cu un persona a resulta herida y na yegada di e ambulans nan a atende e victima y a transporte pa hospital.

Auto a dal hoben y a sigi core bay



a dal un joven peaton y a sigi core bay. Segun testigonan ta trata di un Nissan Platina A63555 cu a tuma direccion na Dakota. Na yegada di e ambulans nan a atende e victima y a transporte pa hospital. Mientras otro patruyanan a bay na e adres di e auto.

SOLO

SUDOKU
MANIA



Diasabra anochi a drenta informe di un accidente cu hende herida dilanti Casa Vieja den Caya G.F. “Betico” Croes, mesora a dirigi tanto polis como ambulans na e sitio. Na yegada di e patruya a bin compronde cu aki ta trata un accidente unda cu un auto lo

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

Dos persona herida den accidente frontal na Noord



Silvesterstraat/ Caya Calco - Diasabra atardi den careda di 5:30 ney un accidente basta serio a tuma luga na Noord.

Polis y ambulance a dirigi nan mes poco mas pariba di Del Rey Appartements, pa un accidente frontal entre dos vehiculo.

Tres ambulance a presenta na e sitio pa atende cu esnan herida.

Ta asina cu un Nissan Versa den bocht a bay mucho

na man robes y pa mala suerte a topa cu un Nissan Sentra, y ta dal frontal.

Polis a cera e caminda, wardando departamento

di trafico yega pa cuminsa cu nan investigacion. Un dama y un cabayero lo ta esnan cu a wordo transporta pa Hospitaal.

Polis a haya persona asina cansa cu no por a cana mas ni para riba su pia



Diabierna anochi a drenta informe di cu tin un persona basta cansa cu no por cana mas na Santa Cruz, mesora a dirigi un patruya na e sitio.

Na yegada di e patruya a nota cu e homber ni para e por para riba su pianan mas.

No a keda nada otro cu pidi e vehiculo di transporte y a hibe na su cas tambe.

Clasificados

Icons representing various services: car, house, shopping cart, truck, person, and person with a plus sign.

CLASSIFIEDS

SOLODIPUEBLO@GMAIL.COM
CEL. 585 9500

SOLO *De Pueblo*

Chauffeur burachi ta dal 2 auto staciona na Tanki Leendert



Tanki Leendert - Diasabra marduga algo pasa di 1'or ambulance a bay Tanki Leendert, altura di Wendy's pa un accidente.

Na yegada, di ambulance nan a topa cu e chauffeur di un Mini Van, e no tawata desea asistencia medico y tawata mas tanto intoxica.

Paramediconan a splike kiko ta kiko y a bandona e sitio.

Ta asina cu algun rato despues polis a yega y ta constata cu e chauffeur

di Van a dal dos otro auto prome cu e la stop completamente.

Agentenan a pone supla, siguiendo e protocol y esaki no a bay bon debi cu e cabayero tawata hopi burachi.

No a keda nada otro pa bay over na detencion, y esaki no a bay di e facil ey.

Un rato nan mester a pone e chauffeur ariba suela. Na final agentenan mester a hib'e warda di Shaba, unda cu e lo mester a wordo presenta dilanti un Sub Fiscal pa mira kiko lo pasa

cu ne.

Controlnan di parti Cuerpo Policial lo continua durante e periodo druk di december, pues tene cuenta cu bo documentonan mester ta ordo y mas cu claro no core auto bou influencia.

PUEBLO A HAÑA SU PEN BEK

Pa kualkier informacion
solodipueblo@gmail.com

or
585-9500

PRONOSTICO DI TEMPO

VALIDO TE DIALUNA 11 DI DECEMBER
2023, 18:00 ORA

TEMPO:

AWE TARDI Y AWE NOCHI: PARCIALMENTE
NUBLA Y GENERALMENTE SECO
DEN MARDUGA Y MAYAN: PARCIALMENTE
NUBLA CU UN AWACERO BREVE
AVISO/ ALERTA:

NA OCUPANTENAN DI BOTO CHIKITO TA
WORDU PIDI PA BAI

CU CAUTELA NA PARTINAN OOST TE
NOORDWEST DI COSTA

POTENCIAL DI AWACERO PA PROXIMO 24
ORA:
1 PA 5 MM; LOCALMENTE ESAKI POR TA
DIFERENTE.

AWACERO (MM) DEN ULTIMO 24 ORA (8'AM
PA 8'AM):
PRONOSTICO DI TEMPO PA PROXIMO 3 DI-
ANAN:
PARCIALMENTE NUBLA CU UN AWACERO
BREVE.

BIENTO LO TA FOR DI DIRECCION OOST Y
MODERA;
BASTA FUERTE TE POSIBLEMENTE
FUERTE DEN RAFAGA;

TEMPERATURA (GRADO CELSIUS) MAX /
MIN LO TA: 31 / 27

Prome Minister Evelyn Wever-Croes:

Conferencia di Reforma 2023 base di trabou di landspakket y vision propio **PROME MINISTER TA PONE ENFASIS RIBA TRABOU DI TEAM LOCAL DURANTE E TRES AÑA AKI**



Diabierna mainta, 8 di December, a tuma luga na edificio di FUTURA e Conferencia di Reforma 2023 na unda tawata tin presentacionnan di DF/CAD y DRH. Aruba ta organisa e conferencia di Reforma a base di trabou di landspakket y vision propio. Prome Minister Evelyn Wever-Croes tawata presente pa duna apertura den un discurso na e conferencia y ta pone enfasis riba trabou di team local durante e tres aña aki. Señor Derrick Werleman, señor Roland Pang, señora Gabrielle Croes y señora Yvon Veurman a duna presentacionnan elaborando riba e tema financiero di Pais Aruba. Señora Indra Zaandam a duna un Kick-off TWO-AUA. E meta principal di e conferencia aki ta pa para keto na dos reforma grandi cu ta tumando luga dentro di columna financiero di Pais Aruba y di e

maneho di recurso humano. Un otro meta tambe ta pa crea un espacio di colaboracion y intercambio pa un grupo di persona cu durante casi 3 aña a traha duro y hunto den forma constructivo pa asina yuda Pais Aruba sali for di e pandemia di COVID-19. No solamente for di e perspectiva di salubridad publico pero tambe den cuadro di relacion dentro di reino. “Cumpli cu nos palabracionnan ta y tabata un punto esencial”, Prome Minister a enfatisa durante su discurso di apertura. Prome Minister a elogia e team local cu desde inicio di e trayecto aki te cu awor a traha duro cu determinacion pa tur ta e trabounan cu a wordo realisa expresando cu e ta orguyoso di e balor y calidad di cada persona involvi den e trayecto aki durante e tres aña cu a pasa. “Principalmente por bisa cu e punto di enfoke di e

conferencia ta pa wak con por colabora cu otro. Esaki tanto dentro di e landspakket como tambe a base di Aruba su mesun vision nacional. Evidente ta cu pa nos por crea un pais resiliente, ta importante pa reforma. Esaki no ta un tema facil pasobra reforma kiermen cambia y cambio. Sinembargo papiando cu boso y ricibiendo boso evaluacion por mira cu tin consensus riba e hecho cu algun cos mester cambia pa nos por bay dilanti. Esaki ta algo positivo. Pa mi, un punto esencial ta cu cambio solamente por tuma luga ora bo mes kier cambia. Es decir e tema ‘ownership’ y ‘balor propio’ ta esencial. Ta mi deseo pa nos por cuminsa opera mas aun for di e perspectiva aki. Nos por, kisas no tur ora a haci esaki, pero nos por. P’esey mi ta hopi contento cu awe nos lo ricibi dos presentacion di DF/CAD y



DRH pa asina despues hunto identifica kico ta puntonan di colaboracion.

Nos sa cu den practica tin biaha bou di presion di diferente deadline y hasta tarea cu por competi cu otro, esaki no tur ora ta facil. Y na mesun momento ta hustamente e colaboracion aki ta e forsa di nos pais. Durante e dianan aki mi a reflexiona hopi riba con a trayecto cu nos ta den a cuminsa. Waw! Mane nan ta bisa na Ingles we have come a long way desde 13 di november 2020 para na Den Haag. Nos tin un potret riba facebook cu a caputurá hustamente e momento cu nos a ser reconoci cu TWO-NED. It was overwhelming, pero nos a keda cu fe. Manera nos semper ta haci na Aruba. Cu e fe aki nos a yama tur nos trupanen, bosonan, dilanti y a pone man na obra. Y wak nos awe. Cos ta perfecto? No pero, waw, cuanto uitvoeringsagenda, cuanto uitvoeringsrapportage, plannen van aanpak boso

no a draai caba? Cuanto biaha boso no a wordo yama pa yega na un deadline y a logra esaki? Mi a bisa esaki un paar di biaha y lo mi bolbe bisa atrobe. Boso trabou ta importante y mi ta orguyoso di balor y calidad di nos hendenan. Awe tardi despues di e presentacion, despues di breakout, boso lo reflexiona riba e trayecto aki. Mi kier invita boso pa comparti boso reflexion cu nos; Kico nos a logra, kico bo a siña di bo mes, y cu ken bo a traha bon? Mi reflexion ta cu mi ta orguyoso di nos pais y ta orguyoso di boso”, Prome Minister a bisa durante su discurso den e Conferencia di Reforma 2023.



Truck di recoge sushi a pasa ranca wayanan di coriente lagando e bario sin coriente



Diabierna mainta a drenta informe di cu truck lo a pasa ranca wayanan di coriente for di palonan di lus na Santa Lucia, mersora a dirigi un patruya na e sitio. Na yegada di e patruya a bin compronde for

di testigonan cu un truck di recoge sushi a pasa ranca esakinan y a sigi core manera nada a pasa y a bay. Polis a busca mas informacion y lo bay atende cu e chauffeur irresponsabel aki.

FORTALEZA PA FAMILIA

Scirbi Pa pastor Marcel Balootje.

SALBACION TA GRATIS PA TUR HENDE

Esun cu kere lo ta salba y e esun cu no kere lo ta condena, esey ta locual e palabra di Dios ta splica nos hopi cla den Juan 3:16-18, no tin distincion di ningun hende, ni tampoco e genero moderno, pasobra salbacion ta gratis pero e no ta barata, Cristo Hesus a entrega su bida pa nos salbacion.

Tur hende cu arepentí di henter nan curason, kere y acepta Cristo Hesus como nan Señor y salvador lo ta salba.

No ta cumbini ningun hende keda sin acepta e plan di salbacion di Dios, pasobra esun cu rechasa Cristo aki na mundo tambe lo wordo rechasa pa su

Tata cu ta den cielo.

Si bo bista ta riba hende, bo no por alcanza e salbacion di Dios, pasobra hende no por salba ningun hende, solamente den Cristo Hesus tin salbacion. Salbacion ta personal, ningun hende no por entrega nan bida na Dios pa bo, ta un decision cu mester

wordo tuma awor cu bo ta na bida, pasobra ora bo muri nada mas no por wordo ahusta.

E lucha entre bon y malo, entre e diabel y Dios, ta pa hende rechasa e bondad di Dios y permanece den e scuridad di mundo cual na final su destinacion lo ta fierno.

Aunke e situacion di mundo ta yen di maldad y inmoralidad, Dios ta demostra den su gran amor cu e

no kier pa ningun hende bay perdi, (2 Pedro 3: 9). Pasobra e pago di pica ta morto, ma e don di gracia di Dios ta bida eterno den Cristo Hesus nos Señor. (Romanonan 6:23).

Si nos confesa nos pica, Dios ta fiel y husto di perdona nos, nos picanan y libra nos di tur inhusticia. (1 Juan 1:9).

Tin solamente un mediador entre Dios y hende y esey ta nos Señor Cristo Hesus, pasobra no tin otro manera pa yega serca e Tata sino ta pa medio di e Yiu.

Hopi hende ta bibando un bida sin Dios, un bida den cual nan ta biba pa nan mes, den tur clase di malicia y maldad. Dios tene misericordia.

Hopi ta esnan cu ta rechasa Dios cu pensamiento y actitud, pasobra e enemigo tin nan gaña y mara den inmoralidad y abominacion, y mas tristo cu ta nan



kier atrae otronan den mesun caminda di perdicion. Despues cu nos entrega nos bida na Cristo nos mester persevera den caminda di Dios, y asina evita di cay den tentacionnan cu mundo ta ofrece, pasobra esun cu perservera te na final esey lo drenta cielo. Flohera y cobardia lo no hereda reino di Dios, ma humildad y disponibilidad lo traha caminda di entrada serca Dios. Ta tempo pa nos traha riba nos salbacion, y tambe riba salbacion di nos Famia, pasobra e boluntad di

pa bira yuinan di Dios, esnan cu ta kere den Su number.

Ta facil pa kere den Señor, ta facil pa glorifica su number, ta facil pa reconoce y stima Cristo Hesus, pasobra no tin otro caminda, Cristo Hesus ta e Rey di Reynan y Señor di Señornan.

Pero hopi ta scohe pa e caminda hanco cu ta hiba na perdicion, y lo wordo decepciona, door di a rechasa, negligencia of voluntariamente a ninga Cristo Hesus.

Pasobra si nos kere den nos curason y confesa cu nos boca cu Hesus Cristo ta Señor nos lo ta salba. Sinceramente, Pastor Marcel Balootje.

Dios ta pa nos por bisa manera Josue., ami y mi cas ta sirbi Señor. Ma tur esnan cu a ricibi'E na nan E a duna derecho

Clasificados

SOLODIPUEBLO@GMAIL.COM
CEL. 585 9500

SOLO Di Pueblo

Joselin Croes a cuminsa cu su trabao como director di Arubahuis



Den Haag – Dia 5 di December Joselin Croes a cuminsa cu su trabao como director di Arubahuis. Na su yegada ela keda saluda door di r PR di Arubahuis Sidney Kock y demas personal di Arubahuis. E tabata un momento ameno entre e team di Arubahuis y e director nobo.

Joselin Croes a keda apunta como director door di un comission di Gobierno cu a guia e proceso di solicitud pa un director nobo pa Arubahuis.

Joselin Croes prome cu e funcion di director di Arubahuis, tabata Minister Plenipotenciario pa Aruba na Washington DC. Durante di e periodo na Washington Joselin a dedica su mes na promocion y pa crea oportunidad pa Aruba y Arubianonan cu partnernan na Merca. Esaki cu un enfoke particular riba e tereno di relacion economico y diplomatico, desaroyonan sostenibel, innovacion, educacion y cultura. Prome cu Joselin a asu-

mi e funcion di Minister Plenipotenciario na Washington ela traha como Chief of Staff na e Ministerio di Husticia, Seguridad y Integracion. Entre 2010 te 2017 Joselin a traha como abogado na Aruba. Prome cu abogacia Joselin tabata director di Benta y Mercadeo pa Lotto pa Deporte.

Na 2021 Joselin a logra su Master den Environmental Management na Universidad di Maryland Global Campus y tambe un Master den Ley na Universidad di Aruba. Na Intercollege na Den Haag Joselin a logra su Bachelor den International Business Management and Public Relations.



“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Cu inmenso tristesa pero conforme cu boluntad di Dios nos ta
anuncia fayecimento di nos ser stima:



Sra. Reginita Kelly-Geerman
Mihor conoci como “Nene”
05-08-1940 - 08-12-2023

Vda di †Marco Kelly

Mayornan: †Ignacio y †Luisa Geerman-Werleman

Yiunan:
Lucrecia Kelly y Haime Wiersma
Ester y Javier Ramirez-Kelly
Robert Kelly
Susan Kelly y Edgardo Magliocchi

Nieto y nietanan:
Anthony Franken, Frances Franken y Karina Bello-Otero, Su-Anne Henriquez, Catherine y Bryan Thiel-Ramirez, Sueli Kelly y Cinthia Quant, Jonathan Ramirez y Laura Leo

Bisanieta y bisanietonan:
Surianni Henriquez, Matthew y Franklin Franken, Clayton y Zayxion Thiel

Rumannan:
Graciela “Chia” Geerman
†Anastacio y Lucrecia Geerman
Ana Maria y Techí Briesen
Juliana “Juju” Geerman
†Nicolaas “Cochi” Geerman
Bernardo “Benny” Geerman
Cyril “Ciro” Geerman
†Elisabeth Geerman

Subrina y subrinonan:
†Martin Briesen, Virgilio “Buchi” Briesen, Gina Werleman y famia, Bernadeta “Eta”, Johnny Croes y famia, Rudolfo “Quito”, Maricella Briesen y famia, Lidia, Tico Kelly y famia, Leo, Zulaika Briesen y famia, Omiria, Milko Lo-Asioe y famia, Sheritza Geerman y famia

Ex-yerno: Alfonso Henriquez

Primo, prima, iha, comer, comper, bisiñanan stima, cu ta hopi pa menciona.
Demas famia Geerman, Kelly, Werleman, Ramirez, Henriquez, Franken, Croes, Lo-Asioe, Boekhoudt, Thiel, Martijn, Tromp, Hernandez, Ras, Dirks, Wiersma, Magliocchi, Leon, Fingal, Rombley, Jansen, Garcia y Quant.

Nos ta pidi disculpa si den nos tristesa nos por a lubida algun ser keri.

Acto di entierro lo tuma lugar diamars 12 di december di 9or pa 11or di mainta
na Misa Imaculada Concepcion na Santa Cruz.
Despues saliendo pa santana Santa Maria, Santa Cruz.

Nos ta lamenta cu despues di entierro no por ricibi bishita di condolencia

Minister Geoffrey Wever:

Programa Nacional pa combati economia informal

Awe 7 di december Minister Geofrey Wever a ricibi oficialmente di e Comision

Combati Economia Informal, e Programa Nacional pa combati e economia informal

na Aruba. Combati e economia informal na Aruba ta forma parti integral di e

maneho economico di Ministerio di Asuntonan Economico, Comunicacion y

Desaroyo Sostenibel.

Na 2021 investigacion di Departamento di Asuntonan Economico, Comercio y

Industria hunto cu Prof. Schneider a conclui cu e balor di actividadnan economico

den e sector informal ta 20% di e producto interno bruto.

Economia informal ta actividadnan economico cu simpelmente bisa no ta cumpli cu

leynan existente. Esaki ta encera entre otro no ta inscribi na Camara di Comercio, no

tin permiso pa haci negoshi y no ta registra na Departamento di Impuesto. Esaki ta

nifica cu esnan activo den e sector informal no tin e gastonan cu esnan cu si ta

cumpli cu leynan. Esaki ta crea un situacion di competencia inhusto pa

companianan cu si, na e manera correcto ta cumpli cu nos leynan. Riba peticion di minister Geofrey Wever, conseho di minister a

duna su aprobacion



pa instala un comision pa traha un plan nacional pa combati e economia informal na

Aruba. E comision wordo instala riba 10 di mei 2023 y ta consisti di representantenan

di Departamento di Asuntonan Economico, Comercio y Industria, Departamento di

Impuesto, Directie Arbeid en Onderzoek, Sociale Verzekeringsbank y Aruba Trade

and Industry Association. Miembronan di e comision a

traha hunto pa produci y entrega e Programa Nacional

cu ta contene diferente accionnan pa combati e economia informal na Aruba pa e

periodo 2024- 2027. Trabao di

e comision lo enfoca riba implementa e diferente

accionnan y lo entrega cada aña un relato riba tur e trabao haci, y lo monitor tambe

e implementacion di e accionnan. Nos desaroyo economico ta depende grandemente di nos comerciantenan cu ta

inverti y crea e cuponan di trabao y ta cumpli cu nos leynan. "Ta importante pa

garantisa cu e punto di salida ta igual pa tur comerciante", segun minister Geofrey

Wever. "E Programa Nacional cu ta contene diferente accionnan ta e prome stap di

sector publico y priva pa hunto combati e economia

informal".

Minister Geoffrey Wever kier a gradici e Comision cu ta consisti di miembronan di

Departamento di Asuntonan Economico, Comercio y Industria, Departamento di

Impuesto,

Directie

Arbeid en

Onderzoek, Sociale Verzekeringsbank y Aruba Trade and Industry Association pa e

trabao grandi eherci pa traha e Programa Nacional, un cooperacion importante di

sector publico y priva cu lo sigui traha hunto na un desaroyo positivo di nos economia.

Polis y ambulans a bay pa un dama drumi abao cu su man sangrando profusamente na un club nocturno

Diabierna madruga a dreठा informe di cu tin un dama drumi abao cu un corta basta grandi na su man na un club nocturno na Palm Beach, mesora a dirigi tanto polis como ambulans na e

sitio. Na yegada di e patrulla a bin compronde cu e dama entre su 20 aña ney lo a cay den baño y herida su mes cu un corta basta serio na su man sangrando profusamente.

Mirando e situacion cu ela sangra masha hopi caba a solicita e ambulans cu maximo urgencia.

Na yegada di e ambulans nan a atende e dama y a transporte pa hospital.

